

sponsis JCtorum recederent, etsi Augusti Principatum stabiliverit, maximum tamen damnum dedit jurisprudentiæ.

34. Effecit enim ista potestas respondendi per beneficium indulta sectas. Sectæ incertitudinem juris auxerunt. Huic incertitudini, & his dissensionibus non in tempore obviam iverunt Imperatores.

35. Quin potius hæ sectæ maximè sub Imperatoribus florere & augmenta capere cœperunt. Uti enim ipsorum JCtorum ordinem & successionem post Eberlinum t) in summa exhibuit Jacobus Gothofredus, u) ita sub Augusto Antistius Labeo & Attejus Capeto (ille vir incorruptæ libertatis, ac præter juris studium reliquarum bonarum artium haud expers, propriumque ingenium ad decidendas juris controversias afferens, neque cæca seqvela aliorum tradita approbans; hic vero divini humanique juris peritissimus, coeterum tamen nimius Augusti Adulator, & promiscua traditorum custodia magis ingenio alieno sapiens quam suo) potissima capita sectarum

t) de O. I. c. 34. seq. u) Man. jur. c. 7.